

Incumbensa Hofmann concernent las posiziuns da cader e da direcziun en l'administraziun dal chantun Grischun

L'administraziun chantunala ha 35 posts da servetsch. 32 da quels vegnan manads dad umens, 3 da dunnas. 94 pertschient dals uschenumnads schefffuncziunaris èn masculins. Vitiers vegnan ils stabs dals 5 departaments sco er da la Chanzlia chantunala: er là èn las posiziuns da cader per gronda part en mauns dad umens.

En las direcziuns dals posts da servetsch ed en las posiziuns da cader ch'èn vegnidas occupadas dacurt da nov, ha la Regenza elegì – cun excepziun da la manadra da l'Uffizi per la scola populara ed il sport sco er da la vicechanceliera da la Chanzlia chantunala – mo umens, en spezial en la direcziun da l'Uffizi da persunal, da l'Administraziun da taglia, da l'Uffizi per industria, mastergn e lavur e da l'Uffizi per la furmaziun media-superiura.

I para che la Regenza – sco gremi electoral responsabel – n'haja betg anc chapì ils segns dal temp. Perquai incumbensain nus la Regenza d'agir en il senn da sias atgnas finamiras guvernamentalas (administraziun chantunala sco patruna attractiva) e da promover la realisaziun da l'egualitad da las schanzas tranter dunna ed um en l'administraziun chantunala – ina finamira ch'ella ha formulà sezza.

Las sutsegnadras ed ils sutsegnaders drizzan perquai la suandanta incumbensa a la Regenza:

1. Analogamain a l'administraziun federala duain vegnir prendidas fin l'onn 2023 mesiras, per che posiziuns da cader ch'èn suttamessas a l'elecziun da la Regenza, vegnian occupadas evidentamain e visiblamain cun tegnair quint da las schlattainas.
2. La Regenza procura ch'ella sezza, las persunas che proponan l'occupaziun da las plazzas sco er las persunas che fan la recrutaziun sajan scoladas correspudentamain: per exempel areguard la dumonda, co che las publicaziuns da plazzas vegnan formuladas e co ch'il process da recrutaziun vegn concepì cun tegnair quint da las schlattainas.
3. Il Post da stab per l'egualitad da las schanzas ch'è responsabel per il «Plan d'acziun per l'egualitad en l'administraziun chantunala» duai sustegnair la Regenza cun sias enconuschientschas spezializadas.

Tavau, ils 9 da december 2020

Hofmann, Widmer (Favugn), Atanes, Baselgia-Brunner, Bettinaglio, Cahenzli-Philipp, Cantieni, Caviezel (Cuir), Danuser, Degiacomi, Florin-Caluri, Gasser, Holzinger-Loretz, Maissen, Müller (Favugn), Perl, Preisig, Schwärzel, Stiffler, Tomaschett-Berther (Trun), von Ballmoos, Widmer-Spreiter (Cuir), Wilhelm, Bürgi-Büchel, Giudicetti, Hirsbrunner, Pajic, Stieger, Tomaschett (Cuir)